



Châng thlan: *Matthaia 20:26.*

Zirlâite tân:

Hriat tûr: Kohhran inpumkhatna thlentu inkaihhraina leh thuneihna inkhâidiat chu engte nge ni an hria ang

Vei tûr: Mahni nawmsak ûmna ni loviin, inngaihtlâwmna, hmangaihna leh thuhnairawlhna rilru chu an pu ang.

Tih tûr: Kohhran inpumkhatna thlenna tûr thilte chu tih an tum ang.

THUPI TĤHEN

I. Hriat tûr: Thuneihna leh inpumkhatna

- A Eng tiang kawngtein nge Krista chu kohhran Lû a ni tih hriatna hian kohhran hruaituten thutlûkna an siam kawngah leh thuneihna an hman dânah nghawng a neih?
- B Enga ti nge thlarau lama hruaitute chu khawvêl sawrkâr hruaitute ang an nih ve loh thu hi uar taka sawi tĤhin?
- C Eng tiangin nge kohhran inthununna hian hmangaihna a lan chhuahtîr rualin, kohhran thurin thianghlimna leh kohhran inpumkhatna pawh a vawn him bawk?

II. Vei tûr: Inngaihtlâwmna nge chapona

- A Hruaitu zia leh rilru put hmang eng ang hian nge inpumkhatna thlen?
- B Chûng rilru put hmangte chuan eng tiangin nge kohhran inthununnaah nghawng a neih?
- C Chapona leh mahni hmasialna ni lo, inngaihtlâwmna leh thuhnairawlhna thinlung zâwk chu eng tin nge kan lo neih theih ang?

III. Tih tûr: Inpumkhatna vawng nungin

A Kohhran hruaituten kohhran inpumkhatna an vawn nun theihna tûra thil i tih theih ve awmte chu eng nge ni?

B Eng tiang kawngtein nge thlarau thilpêk i dawnte kha kohhran inpumkhat nân i hman theih ang?

KHÂIKHÂWMNA: Ringtute chuan Krista hi kohhran Lû a ni tih an hria a. Chutih rual chuan kohhranin hna a thawh a, a inpumkhat theih nân hruaitu mihring a neih erawh a ngâi ve tho. Kohhran hruaitute chuan inngâitlâwm taka rawng an bâwl a, thutak an châwi sân a, damna thlen zâwnga inthununa an kalpui a, rawngbâwl tûra kohhran an hruai chuan inpumkhatna a thleng thîn a ni.

INZIRTÎR DÂN TÛR

RAHBI 1—Chawk phûr rawh

Bible châng thlûr bing tûr: *Matthaia 20:25–28*

Thlarau thanna atâna thu pawimawh: *Kohhran insawrkârna/inrêlbâwlna ruangâm hian a lû ber Krista chu a châwimâwi a, a hruaituten hmangaihna, inngaihtlâwmna leh rinawmna an lantîr a nih chuan rawngbâwlna a puih bâkah, inpumkhatna thlen bawk thîn.*

ZIRTÎRTÛTE TÂN BÎK: Hruaituten mi dangte chung a thuneihna an chelekna ang chi hi chu Isuan a zirtîrte laka a thuneihna a lantîr ang nêh kha chuan a inrem lo hle. Chuvângin kohhran hruaitute chu hruaitu inngâitlâwm tak, mi dangte rawngbâwlsak tum mi a ni tûr a ni. Zirlâi i zirtîr pahin inngaihtlâwm tak leh rawngbâwlna rilru pu chung a hruaitu nih hi a pawimawhzia uar takin sawi ang che.

A sawi hawn nân: Kum zabi sawm hniha tîr lamah khân Mahatma Gandhi-a chuan Britain laka India a indan theih nân nasa takin a bei a. Amah hi Hindu sakhaw vuantu niin, hnam tin, chi tinte intluktlân vek thu pawmtu leh chutiang atâna hna

thawktu chu a ni bawk. A inthum dân pawh hrênpereng mai a ni a, mâwl têa nungin mi retheite rawng a bâwlsak thîn. Miten engah maha an ngaih loh, entîr nân phâr natna veite chu enkawl tûrin a pên chhuak a. Mi dangte chu eng tiang maha tilêt ve lo tûra rilru a siam avângin inngâitlâwm takin thil a ti thîn. Thil mak angreng deuh mai chu, Isua nun a ngâisâng êm êm mai kha a ni a. Mahse Kristianah erawh a inpe duh miah lo thung; a chhan pawh Kristiante hian Krista nun dân an zui lo nia a hriat vâng a ni.

Kristiante hi chhiahhlawh rawngbâwl hna thawk tûra koh kan ni a. Pu Gandhi-a kha Kristian a ni lo na a, mi dangte rawng a bâwlsakna leh ama mamawh âia mi dangte mamawh a dah pawimawh hmasak zâwkna hmang khân chhiahhlawh rawngbâwlna thawka hruaitu nihna zia chu a pho lang a ni.

Sawi ho tûrte: Mi tam takin Gandhi-a an zuina chhan kha eng nge ni? Eng vângin nge Gandhi-a khân chhiahhlawh rawngbâwl hna thawka hruaitu nihna zia hi a lan chhuahtîr theih? Eng tin nge chhiahhlawh rawngbâwl hna thawk chungahruaitu nih hian mite a hîp êm êm?

RAHBI 2—Zawng chhuak rawh

ZIRTÎRTÛTE TÂN BÏK: Level hrang hranga kohhran hruai hna thawhnaah hian kohhran inpumkhatna thlentu hmangaihna, inngaihtlâwmna leh rinawmna târ lan theihna remchâng a awm vek a. Kohhrana hruaitu chan changte hian eng nge mawhphurhna a neih tih hrethiam tûr chuan Kristan a zirtîrte a hruai dân leh an rawng a bâwlsak dân kha hriat a pawimawh a ni tih uar takin sawi ang che.

ZIR ZÂUNA

I. Thuneihna inkhâidiat chhâwng (*Efesi 5:23–27 leh Matthaia 20:25–28.*)

Kohhran hi Pathian thil siam niin ama tâ a ni a, Krista chu a Lû ber nung reng a ni bawk. Leiah hian Pathian âiawh niin a awm a, Pathian nungchang târ lan chu a tih târ a ni. Johana 17-a Isua ƣawngtâina hian ringtute inkâra inpumkhatna awm hi kohhran rawngbâwlna atân a ƣangkâi hle tih a sawi a (*Johana 17:20–23*).

Kohhran a inpumkhat theih nân leh a hna tlin taka a thawh theihna târ chuan Krista chu kohhran Lû a ni tih hriat a pawimawh. Taksa Lû ber a nih angin (*Kolosa 1:18*) kohhran chu nihna siamsakin nunna a pe bawk a. Chutiang chu a nih avângin kohhran kan nihna anga kan nun theih nân leh hma kan sâwn zêl theih nân amahah chuan kan innghat tlat târ a ni. Kohhran chu taksa anga sawi niin, kohhran Lû chuan kohhran a hruai a ni tih min hriattîr. Lû tel lo chuan taksa pêng dangte hian hna an thawk thei lo va. Taksa pêng hrang hrangte tipumkhat a, an tih tûra tuk hlen chhuak tûra hna an thawhna kawnga kaihruaitu chu Lû Krista a ni.

Nimahsela, Krista chuan a thuneihna ƣhenkhat chu kohhran hnênah a hlân chhâwng a, chûngte chu kohhran hruaitu mihringte hmangin hlen chhuah a ni ƣhîn. Ellen G. White-i chuan kohhran chhûnga “chanchin ƣha mumal taka kaltîr hi rinnaa inpumkhatna a awm theih nân a ƣûl” tih thu a sawi a—*Thuziak Hmasate*, p. 100. He thu hi Adventist kohhran hun hmasa lam, inrêlbâwlna kawngah pawh an la mumal vak lo lâia a sawi a ni.

Hmun hrang hrangah kohhran mite inkhâwm hona awm ve thluah tawh tho mah se, chûngte chu an inthlun zawm hran lo va, inkaihruaina fum fe pawh a la awm hek lo. Hei hian kohhran inpumkhatna atân harsatna a thlen thei a, kohhran rawngbâwlna pawh kalpui hleih theih loh a nih phah thei bawk. Hetih lâi vêl hian zirtîrtu ƣhenkhat, mahni âwmhâwp thu leh zirtîrna dangdâi tak tak kohhran chhûnga rawn luhpui tum tâwk an awm ve bawk a. Chuvâng chuan kohhran inpumkhatna vênhim nân chanchin ƣha thuhmun hril tlân târ tih kha a ƣûl hle rêng a ni.

Amaherawhchu, kohhrana hruaitute hnathawh leh pawimawhna hi hriatthiam a pawimawh khawp mai. Mi dangte awp betutu ni lovin, chhiahhlawh rawngbâwl hna thawk chung a an thuneihna hmang tûra koh an ni. Paula leh Thuthlung Thar lehkhabu ziaktu dangte hian khawvêl thila hruaitu sawifiahna atâna Grik thumal an hman tânglâwn takte kha kohhrana hruaitu hnathawh fiahna atân tum rêng vângin an hmang ve lo em ni tih hi a Chiang lo va. Chu bâkah zirtîrte kha Gentail-te anga intilal tak ni ve lo tûra thurâwn pêk an ni bawk (*Mat. 20:25–28*).

Chhiahhlawh hna thawk thawk chung a hruaitu nihna hian kohhranah inpumkhatna leh inngeih tlânna a thlen a, a chhan pawh chutianga tih chu inngaihtlâwmna, mahni hmasial lohna leh mi dangte hnêna thuneihna sem zâina a nih vâng a ni. Chutianga hruaitute chuan mi dangte thu leh hla ngâichângin mi dangte rawng an bâwlsak thîn a, anmahni duh dân ngawtin thil an ti ngâi lo. An rilrua lian ber chu anmahni ropuina ni lovin, kohhran rawngbâwlna zâwk a ni (*1 Pet. 5:2, 3*). Kohhran hruaitute chuan Krista nêna an inzawm rengna hmang te, min phuar khâwmtu thutak chu vawn rengna hmang te leh inlaichînna thâ awmzia chu lanfîrna hmanngen kohhranah inpumkhatna an thlen thîn a ni.

2 Timothea 2:15 hian hruaitute chu an thu zirtîrah leh an nungchangah an dikin an thianghlim hle tûr a ni tih a sawi a. Thutak chu nghet tak leh rinawm takin an vuan tlat ang a, chutih rual chuan an thuhriil chanchin thâ nêna inremin thil an ti thîn bawk tûr a ni. Chhiahhlawh nihna dik tak chu Pathian nêna inzawmna dik tak aţanga lo chhuak niin, chanchin thâ thutakin a hriattîr a ni bawk.

Ngun takin ngaihtuah teh: Eng tiang kawngtein nge Krista chu kohhran lû ber a nihna hi Seventh-day Adventist Kohhranah hian hmuh theih a nih? Krista chu lû ber a nihna hian kohhran hruaitu mihringte chungchâng eng nge a sawi? Eng tiangin nge

chhiahhlawh rawngbâwl hna thawk chung a hruaitu nih hian kohhran rawngbâwl na a tisâwt?

II. Inthununna leh inpumkhatna (*Galatia 6:1, 2 leh Matthaia 18:15–20.*)

Chhiahhlawh rawngbâwl na thawk chung a kohhran hruai hna thawktute hnuai ah pawh kohhran hmakhaw ngaih vâng leh mi mal tâna a that zâwkna tûr a nih avângin inthununna chelek a ðul châng a awm ve tho ðhin. Tûnlâi hun, kum zabi sawm hnih pakhatna angah hi chuan kohhran inthunun hi kan uar ta vak hlawn lo niin a lang a; mahse kohhran inpumkhatna vawn nun nân chuan a la pawimawh reng tho a ni.

Jonathan Leeman-a chuan a lehkhabu, *Church Discipline: How the Church Protects the Name of Jesus* (Wheaton, Ill.: Crossway, 2012) tihah kohhran inthununna hi rawngbâwl na tihsâwt na a nih mai bâkah kohhran inpumkhatna vawnhimna atâna hmangaihna thiltih a nih dân kawng pali a sawi a. A hmasa berin, kohhran inthununna hian a thununa chu a thiltih dik loh hrilhin leh sim ngâi a nihzia hriattîrin a chungah hmangaihna a lantîr a. Chutiang chuan kohhran inthununna hi a nihphung rêngah pawh inhremna ni ringawt lovin, inchhandamna a ni zâwk mah a ni.

A pahnihna chu, kohhran inthununna hian kohhran kan hmangaihzia a lantîr ðhin, a chhan pawh rinna kawng mi thar leh chak lo zâwkte thlêm thlûk leh tihnat an nih lohna tûra vênhim chu a tum a nih avângin. A pathumna chu, kohhran inthununna hian kohhran inhungna bang piah lamah khawvêl hnênah hmangaihna a lantîr a, chanchin ðha thiltitheihna chu kohhranin a târlan a phalsak a ni. A tâwp berah chuan, kohhran inthununna hian Krista kan hmangaihzia chu a thuâwihna leh a hming zahawmna humhimna hmangna a lantîr a ni.

Ngun takin ngaihtuah teh: Eng tik hunah nge kohhran inthununna hi chelek a ðul ðhin? Enga ti nge kohhran ðhenkhat hi

chuan kohhran inthununna hi chelek an hreh êm êm?
Jonathan Leeman-an kohhran inthununna hi Isua hming
zahawmna humhimna tûra hmangaihna thiltih a ni tih a sawi
hi i pawmpui ve em? Eng vânga pawmpui emaw, pawmpui
lo emaw nge i nih le? Eng tiang kawngtein nge kohhran
inthununna hi kohhran rawngbâwl na tisâwttu a nih?

RAHBI 3—A taka nunpui tûr

**ZIRTÏRTÛTE TÂN BÏK: A hnuaia sawi ho tûr chhawp chhuahte
hian zirtÏrtute chu: 1) chhiahhlawh rawngbâwl hna thawk
chunga kohhran hruaitu nih chungchâng emaw, 2) kohhran
inthununna leh hmangaihna inzawm dân emaw sawifiah
tûrin remchâng a siamsak dân a ni.**

Sawi ho tûrte:

- ❶ Eng tin nge thuneihna tih leh chhiahhlawh rawngbâwl hna
thawhna hi a inrem?
- ❷ Chhiahhlawh rawngbâwl hna thawka hruaitu nih min
châktÏrtu thilte chu eng nge ni?
- ❸ Isuan mi dangte sawisêl lo tûra min zirtÏr hi kohhran
inthununna nêh hian eng tin nge i hmeh rem ang?
- ❹ I thil lo tawn tawhah eng tin nge kohhran inthununna hi
hman a nih? Hmangaihna rilru nêna kalpui a ni em? Thununna
lekate chu an lo pianthar theihna tûr zâwngin hman a ni
em?
- ❺ Mipui vântlâng hriat sualna leh mi pahnih khat lekin an hriat
sualna te hi angkhat renga thunun tûr a ni ang em?

RAHBI 4—Boruak siam rawh

**ZIRTÏRTÛTE TÂN BÏK: Chhiahhlawh rawngbâwl hna thawk
chunga hruaitu nih tih sawi hian kan rilru-ah kohhran
hruaitu atâna ruatte chauh hi kan rilru-ah a lo lang tlângpui**

ṭhîn a; mahse kohhran member zawng zawngte hi kohhran tâna thilpêk an dawnte hmang ṭheuh tûra sâwm an ni ṭheuh a ni. I class member-te khân kohhran member tinten kohhran rawngbâwl hna phûr taka an thawh tlân a ṭûlzia an hriat theih nân hrilhfiâh ang che.

Tih tûrte: Mi dangte tâna rawngbâwlna lam hla ngâithla la, tichuan a hla thute chu ngun takin i ngaihtuah dâwn nia. I ngaihthlâk zawhah in kohhran leh in khawtlâng tâna thil i tih ve theihte i ngaihtuah ang. Kristiante hla zînga tam tak hi rawngbâwlna lam hawi a ni hlawm a, kohhran huang chhûngah chauh lo pawh khawvêl siam ṭhat hna thawh theih a nihzia sawina pawh a awm nual. Chutiang hlate chu i hre chhuak mai lo a nih chuan hêngte hi i ngâithla dâwn nia: “O Isu, thutiam ka nei,” “Chhiahhlawhah min siam rawh,” “Thil eng emaw ti rawh,” “Taksa kan nih chuan” tih te hi.